



URED PREDSJEDNIKA I POTPREDSJEDNIKA

Broj: 01-4-03-3-708-3/20

Dana: 08.06.2020.godine

**BOSNA I HERCEGOVINA
MINISTARSTVO KOMUNIKACIJA I PROMETA BiH**

N/r g. Vojin Mitrović, ministar

PREDMET: Mišljenje na Nacrt pravilnika o registraciji vozila, - *dostavlja se*

Poštovani,

Na osnovu akta Ministarstva komunikacija i transporta Bosne i Hercegovine, broj: 01-05-02-2-1171/20, od 15.05.2020. godine, kojim se u skladu sa članom 7. Zakona o Vanjskotrgovinskoj komori Bosne i Hercegovine ("Službeni glasnik BiH" br: 30/01 i 72/13), traži mišljenje na priloženi tekst *Nacrta pravilnika o registraciji vozila*, informiramo Vas, da smo proveli proceduru traženja mišljenja od članova Udruženja međunarodnih cestovnih prijevoznika tereta i Udruženja prijevoznika u međunarodnom i međuentitetskom cestovnom prijevozu putnika pri Vanjskotrgovinskoj komori Bosne i Hercegovine.

Mišljenja smo da je u Nacrtu pravilnika potrebno izvršiti sljedeće izmjene i dopune:

Čl. 5. Nacrta Pravilnika:

U članu 5. iza stava (4) potrebno je dodati novi stav (4a) koji glasi:

„(4a) Stiker naljepnica je besplatna, kao i njeno izdavanje i postavljanje, te ne podliježe plaćanju naknade ili administrativne takse“.

Obrazloženje:

Predložena izmjena i dopuna člana 5. Nacrta Pravilnika na način da se zakonom propisana, a uz postojanje Potvrde o registraciji vozila nepotrebna stiker naljepnica, učini barem besplatnom do njene eliminacije iz zakona.

Umjesto razrađivanja podzakonskih akata i pokušaja da se pronađe smisao postojanja stiker napljenice, potrebno je pristupiti hitnoj izmjeni Zakona u cilju brisanja odredbi kojima je ista propisana, jer:

- dodatno ugrožava predviđeno vidno polje na vjetrobranskom staklu vozila, te predstavlja još jedan u nizu elemenata koji se propisuju bez procjene utjecaja na bezbjednost saobraćaja (vinjete, elektronski aparati za plaćanje putarine i sl.),

- predviđeno postavljanje na registarskim pločicama vozila koja nemaju vjetrobransko staklo, je stalna zakonska prijetnja vozaču i vlasniku vozila od sankcije u slučaju oštećenja i gubitka, iako se radi o prostoru koje nikako niti vozač, niti vlasnik ne mogu zaštititi od vremenskih utjecaja (kiša, snijeg, led, sunčeva svjetlos i sl.) ili oštećenja od strane drugih osoba (na odmorištima, benzinskim pumpama, parkiralištima, terminalima itd.)





Član 20. Nacrta Pravilnika

U članu 20. st. (3), (4) i (5) je neophodno brisati, tako da predloženi st. (6) postaje st. (3).

Obrazloženje:

Predloženo brisanje stavova (3), (4) i (5) temelji se na gore iznesenim obrazloženjima i činjenici da se ne može propisivati postavljanje stiker naljepnice na mjestima koja vozač ili vlasnik vozila ne može zaštititi od oštećenja ili uništenja. Kako je Zakonom definirana odgovornost i sankcioniranje vozača i vlasnika vozila u slučaju oštećenja ili uništenja stiker naljepnice, to se podzakonskim aktima ne može bez saglasnosti vlasnika ili preuzimanje njegove odgovornosti, definirati mjesto postavljanja iste.

Konačno, do izmjene Zakona u cilju eliminiranja „stiker naljepnice“, nužno je pravilnikom izuzeti vozila koja nemaju adekvatno mjesto u unutrašnjosti za postavljanje stiker naljepnice.

Član 22. Nacrta Pravilnika

U članu 22. stav (1) slova „O“ je neophodno brisati.

Obrazloženje:

Predloženo brisanje slova „O“ na registarskim tablicama je neophodno zbog problema na koje nailaze prijevoznici pri unosu registarske oznake vozila u međunarodna i carinska dokumenta koja prate robu ili pri očitavanju registarske oznake (često dolazi do zabune zbog sličnosti izgleda slova „O“ i broja „0“).

Generalna primjedba na Nacrt Pravilnika:

Vanjskotrgovinska komora Bosne i Hercegovine smatra da je dostavljeni tekst nacrta Pravilnika o registraciji vozila, u kojem se poziva i u popisu priloga navedi ukupno 20 priloga, nepotpun i zbog toga neprihvatljiv, jer niti jedan od navedenih 20 priloga nije dostavljen.

S tim u vezi, kvalitetno sagledavanje primjedbi i prijedloga Udruženje međunarodnih cestovnih prijevoznika tereta Vanjskotrgovinske komore Bosne i Hercegovine iznesenih u Zaključku Skupštine Udruženja br. 03-50-1025-5/18 od 22.06.2018.godine, u odnosu na predviđene procedure, njihovu primjenjivost, funkcionalnost i sadržaj, kao i razmatranje visine troškova u implementaciji predloženih rješenja i troškova koje bi imala pravna i fizička lica, bez vidljivih priloga koji su sastavni

dio svakog Pravilnika, nije moguće, zbog čega je Mišljenje Vanjskotrgovinske komore Bosne i Hercegovine na predmetni Nacrt Pravilnika *negativno*.

Ujedno Vas pozivamo da uvažite predložene izmjene ovdje navedenih i obrazloženih odredbi u pojedinim članovima Pravilnika, te da tako korigiran Nacrt Pravilnika skupa sa predviđenih 20 priloga dostavite na mišljenje Vanjskotrgovinskoj komori Bosne i Hercegovine.

Očekujući puno razumjevanje i uvažavanje mišljenja Vanjskotrgovinske komore Bosne i Hercegovine, unaprijed Vam zahvaljujem i srdačno Vas pozdravljam.

S poštovanjem,



PREDSJEDNIK

Dr. sc. Vjekoslav Vuković

